



玫瑰先生文集卷四十

四明樓

鑰大防

內制

端明殿學士四川宣撫副使安丙乞
宮觀不允詔

卿沈毅善謀尤長將略內鉏巨姦外禦強敵履
天下之至難為全蜀之司命虜實畏卿如所謂
祭北門祭西門者然彼之技亦窮矣乃瞻西顧
嘉歡不忘方升書殿之班以重閭外之寄胡為
引疾願解印章朕方賴卿以當一面賢于長城

遠矣卿其身任保障之責以稱朕意

京西湖南北路宣撫使宇文紹節辭
免除寶謨閣學士不允詔

入陪經幄外暢王靈既物望之愈隆豈褒章之
可後卿受才挺特抗志崇深不惟誓報于國尤
思欲仰追于祖烈宣威邊徼遂寬北顧之憂寓
直文謨益峻西清之職尚殫忠藎嗣有寵嘉毋
母事牢辭亟祗新渥

新除寶謨閣直學士李寅仲辭免召
赴行在不允詔

朕志于有為心不忘遠矧惟簪索之舊具宣藩
翰之勞既頒優恩仍趣歸覲卿素全忠孝備著
事功豈惟勁草之知實障狂瀾之倒峻西清之
職未稱眷懷望東海之來方深渴想尚騰遜牘
未就鋒車式邁其驅勿重有請

禮部侍郎章良能乞宮觀不允詔
卿以該洽通敏之才存直齷禁亦既三載身兼
數器宜勞翰墨之間夥矣朕更化之初大述作
多出卿手方有賴于論思之助遽欲以目青求
退非所樂聞也卿雖欲奉身而去使朕幾似于

棄才者可乎其安厥位勿重有請

新除觀文殿學士趙彥逾再辭免不

允不得再有陳請詔

朕更化之始登用賢才宗老典刑無如卿者閔
勞以官職之事雍容進讀以冀日新之益進班
延恩少示眷意一辭贅矣况于再乎身其康強
謀猶克壯少親醫藥毋復重陳勉為朕用以繫
入望

侍讀趙彥逾倪思字文紹節侍講章
良能辭免進講毛詩終篇轉一官不

允詔

朕日御邇英講明經理三百五詩至是終篇叙
進官聯厥有故典卿為宗老倪思章良能云卿居從列字文紹節
云卿處實助緝熙母事固辭益思所以輔朕之
處閭外不逮

新除刑部侍郎曾煥辭免不允詔

朕更新治化欽恤刑章遴選貳卿久令攝事以
卿性資直諒器度寬洪承東魯之儒風襲南豐
之家學比安間外促使來歸入對便朝喜聞正
論刑惟弼教方有望于老成德本好生當務先

于明恕亟祗隆委勿事牢辭

吏部侍郎梁季琚乞宮觀不允詔

惟卿先正受知高皇既登聽履之班尤多活國
之計是宜有子為予從臣比更民曹浩穰之司
又歷銓部公方之選胡為引疾乃欲求間尚安
厥官以副眷倚之意

刑部侍郎曾煥辭免兼同修國史兼

實錄院同修撰不允詔

昔在先世嘗繼列于史官爾為近臣亦存司于
直筆間居自適更化惟新召還獻納之聯兼界

纂修之舊豈特助成于國典抑將大振于家聲
明命既頒遜辭可略

福州觀察使鎮江府駐劄御前諸軍
都統制兼知揚州畢再遇乞奉祠不

允詔

牧守之良方圖久任將帥之重尤戒迭更惟卿
沈鷲之資拳勇自奮身經數載最多汗馬之勞
賞不踰時亟工廉車之峻領京口戎旃之寄鎮
淮堧制閩之雄深明保障之圖日講留屯之策
流民寢復信使始通甫臻按堵之期遽上奉祠

之請其安爾位以訖外庸

皇太子某辭免每遇視事令侍立宰
執赴資善堂會議不允詔 嘉定元

年閏四月

朕惟古者立國必建儲闈共為子職實資主器
之重惟予元子篤意問學年未及冠綽如成人
朕欲俾爾習知國家之務侍立吾左預聞政事
師賓會議守吾大臣朕方一新治體兼聽公言
爾當周旋其間日增聞見以成溫文之德尚其
勉旃毋事多遜

四川宣撫副使安丙再辭免資政殿
學士不允不得再有陳請詔

朕更化以來愛惜名器未嘗輕以假人其有度
越拘攣超資級而授者非如卿之雋功茂績不
予也書殿升華以所以待執政者待卿其內撫
兵民外飭邊備使全蜀之境奠枕無虞以稱朕
委任之意以保爾功名之成可矣服我休命毋
為固辭

皇伯嗣秀王師揆生日詔 嘉完元
年五月十五日

薰風南來當朱明之方半望舒東出慶伯父之
始生是曰宗英宜膺天壽匪頌惟舊寵數益新
新除吏部侍郎章良能辭免不允詔
卿以剛勁之資濟以博洽之學為吾詞臣仍兼
數器其在儀曹事有不可者堅執不移朕所歎
嘉進二天官其以處儀曹者處之杞吏姦明銓
法庶使無賢愚同滯之嗟何為固辭更欲求去
非所望也

新除侍衛步軍副都指揮使夏震辭
免不允詔

卿赤心體國忠勇自將久攝殿巖尤見勞效步
旅謀帥卿寔宜之其為協和三軍訓之以義密
衛行闕以折遐衝胡為固辭其服休命

開府儀同三司楊次山生日詔 嘉

定元年六月二十三日

卿志樂燕閒躬持廉靖時當初度宜介多祥是
為戚閑之華爰厚上方之錫

知閣門事楊谷乞祠不允詔

卿戚畹之良周行素謹職司賓閣寵畀廉車忽
求祠館之間欲侍家庭之佚且弟兄並列于朝

著以何嫌倘父子退休在眷私而有歎惟益崇于謙靖亦奚慮于滿盈其服厥官毋庸有請

寶謨閣學士前四川安撫制置使楊輔乞宮觀不允詔

朕以國家多難更化善治收用耆耆如恐不及慨念舊學存者幾人就傳之初卿為首選蓋吾烈祖之所親擢向者持橐未久翩然西歸朕念此弗忘也非不知制閫之重有賴壯猶而圖任之意則有所在召節既往注想待卿捨辭愈切殊用憮然載覽封章宣示適列備見愛君憂國

之志益知尊主庇民之學然與其獻言于萬里孰若造膝而陳前乃欲引疾求閒效蜀莊之沈冥何耶矧西蜀之士卿為標表肯為朕行則後生英俊將于于而來矣三命益勤朕志不易勿復有請式適爾驅

京西湖南北路宣撫使適爾驅節乞祠不允詔

卿以通敏之才淵博之學起趨勲名之會欲報家國之仇輟從經帷出撫邊徼修好伊始息肩可期有如賢勞盍還舊屬以繕修備禦之未畢

勞來安集之方勤將圖爾功少俟其定忽上真
祠之請欲為便道之歸在卿則固所願焉于朕
則豈所望者其摠長算毋有遐心

右丞相錢象祖乞解罷機政不允詔
方國家多事之時任廟堂一相之職卿蓋屢形
于固避朕亦自知其甚難然而朕以更化云初
尤冀和平之福而卿受恩最後素為忠孝之家
正使慮有未周力有弗及猶需同心協志求以
尊主庇民而况察卿之才為眾所服寵以告廷
之拜豈曰歷階而升幸邊瑣之粗寧恐事機之

難測中外未能小息臣主靡容自安早勉既驅
星文未格日不暇給他何可言偶微爽于節宣
宜倍加于攝養勿念去計共圖治功宵旰寔勤
曷嘗以位為樂燮調有賴安得奉身而歸

新除御史中丞章良能辭免不允詔
朕惟振朝廷之紀綱當先重紀綱之地新天下
之耳目必遴求耳目之官卿鯁亮之資淵深之
學自奮于韋布之日有聞于搢紳之儒雖遍歷
于清華亦屢更于夷險處身無玷疾惡如風欲
堅塞于倖門曾不辭于怨府彈擊之任簡求實

宜其力辨于官邪以共扶于國論發卿所蘊助
朕有為勿騰避寵之章益勵敢言之氣

衛涇乞解罷機政不允不得再有陳

請詔

居九五之正位方以遇災而憂何二三之大臣
皆欲引身而去豈朕所望于卿奚安尚賴同寅
而協恭庶幾轉禍而為福要須持久或可圖功
雖屢請以難從毋再辭而為贅

錢象祖乞歸田里不允不得再有陳
請詔

朕慨踐阼之既久念治效之不進不惟不進殆
將陷危是以惕然改圖勵精更化庶幾更也人
皆仰之之意首論一相得卿之賢旁招俊乂如
恐不及前此寒心數月方幸交鄰少定可以盡
力內治自卿及執政以至論思之臣造膝而言
無不傾聽君臣之間了無疑阻卿等以災異請
去朕方側身自儆不容重陳而數日以來廟堂
五臣而三求退留行之詔屢下請猶未已不惟
朕失所望四方傳聞其謂朕何卿以勤勞致愆
調攝惟益謹藥餌以速痊愈所謂故國者有世

臣之謂也非卿而誰其體一心勿致三瀆

褒語卿褒予未久備罄忠勞方圖內修正籍
協贊知卿小疾予告甚優佇聞有瘳勿復言去

刑部侍郎曾喚乞祠不允詔

朕延登耆雋列在邇聯豈惟資獻議之平真有
賴論思之益卿夙高譽處久樂燕閒粵從一節
之趨增重貳卿之選惟明克允方持憲以盡公
非道不陳曾閱時之未久忽披來駢遽欲告歸
有嘉易退之風殊匪趣還之意刑章方簡議無
待于過三史筆至嚴職何妨于共二少安定著

難徇謙辭

禮部尚書倪思乞祠不允詔

朕名收舊人以圖新政比者凡有一事宰輔相
與謀于廟堂侍從相與議于臺省粗無過舉朕
心以懌令茲未能略定而求去者紛然從班亦
有一二矣矧卿素為敢言自陳謹論不畏強禦
不避怨仇歷歷為朕陳之擢長儀曹以示褒表
亦為此舉何耶朕求其故豈朕有以致此耶相
應以文止見辭費惟當一切不聽庶幾以一天
下之觀瞻其體眷懷勿復有請

簽書樞密院事林大中乞舊休致不

允詔

朕更化之初未遑他務求賢甚急首召耆英起
自挂冠之餘擢居持橐之長延登樞筦增重朝
廷言必出于內心謀實稽于古訓倚毗方切而
疾遽侵冲養有來何恙不已胡為騰奏即欲告
歸尚精醫藥之調以繫搢紳之望

江淮制置大使丘密乞致仕不允詔
朕惟屯禁兵百萬而邊鄙是虞開幕府四三而
留都尤急畀以樞廷之寄增吾天塹之雄卿久

安里閭存分帥閩徒得君重肯為朕行上寬宵
旰之憂外撫貔貅之衆盡護諸將獨當北門草
木亦知其威名狄覲想聞乎風采力禪廟論卒
靖封陲人皆望歸袞之期卿乃有掛冠之請矧
方叔之謀猷克壯而晉公神明不衰益堅體國
之心毋作明農之計

寶謨閣直學士李寅仲乞祠不允詔
朕緬懷巴蜀之民未嘗忘遠夢想淵雲之彥尤
務招來卿蚤冠倫魁久騰英譽存登朝蹟嘗為
獻納之臣出殿候邦尤著蕃宣之績特立捨擻

之際實增嘉歎之深升學士之班既以旌其風
節趣鋒車之召誠有望于謀謨何辭之煩以疾
來諭萬里云遠當已戒途三命滋恭諒無俟駕
右丞相錢象祖辭免提舉國史院實
錄院提舉編修國朝會要不允詔
纂修史冊深賴于公平會粹典章尤先于鴻允
博資碩輔坐總宏摹卿識洞古今學該流略接
詞華于奕葉用則有餘攷故實于累朝蓋其素
習舉以並命了無異辭毋遜續之重陳期奏篇
之俱上

參知政事雷孝友辭免權監修國史
日歷不允詔

密贊政塗日預萬機之決參提史筆正資數器
之兼卿早冠詞場寢登冊府迨通班于侍從已
嘗賴于纂修朕慨大典之未成選鴻儒而坐領
趣就累朝之策仍嚴繫日之書故事當然謙辭
可略

刑部侍郎曾煥辭免兼太子詹事不
允詔

朕遴選從臣方賴論思之益精求儲臬尤資輔

導之功卿累葉儒風半生朝蹟何止衣冠之偉
實為簪橐之英擢處宮端允符公論亟承明命
毋庸固辭

觀文殿學士侍讀趙彥逾乞歸田里
不允詔

朕更化之始起大老于東海之濱明德懿親老
成典刑趣行造朝國勢增重訐謨遠慮見于進
讀圖任共政束于定制偃息藩魏人望所歸小
疾既痊正宜休養大臣不可以暑行其為朕留
庶幾猶得奉露門之從容也

吏部侍郎梁季琬乞待次州郡不允
詔

朕惟論思之臣欲全進退之義若其未可以去
則亦難以遽從卿為國宣勞既云累歲任予典
選實號劇曹胡為抗章必欲求外冕疏密侍正
有賴干協恭符節屢更顧奚煩于詳試尚安舊
著以副眷懷

禮部尚書倪思乞待次州郡不允詔
卿以一時人物之望召還未久拳拳獻納朕所
樂聞何嫌何疑屢欲求外固足以見難進易退

之節非朕所以待卿者且更迭之制豈為卿輩設哉

江淮制置大使立密再辭免召赴行
在不允不得再有陳請詔

卿以超世之資篤濟時之志久安故里曾不忘
畎畝之思存鎮陪都專以徇國家之急言皆底
績事不辭難禦侮折衝既以著偃兵之效聞命
引退謂不應俟駕而行一歸疑丞之班足為宗
社之重既頒溫詔日俟來音共政而圖舊人注
想以待元老而乃抗章至再稱疾愈堅極知難
進之風殊非虛佇之意况聞老而益壯氣不少
衰式邁其驅以副所望使朝廷得以諮訪而播
紳視為表儀務遠乃猶以弼予治願何恙之不
已諒無說之可辭

知平江府李大異辭免除寶謨閣直
學士不允詔

朕惟斯民宅生于牧守苟有治理效者倣虞朝
攷績之法取宣帝增秩之意不惟示勸抑以數
易為重也卿以諍臣出守吳會政聲上徹朕所
深知進職西清庸示褒表成命已頒尚何辭焉

賜皇太子生日詔 嘉定元年八月

十七日

敕某高顯中分元良初度賜生設醴用為宴衍
之資授粲貽年仍厚匪頌之寵共期難老益體
隆私

通奉大夫趙師異辭免復寶謨閣直
學士依所乞宮觀不允詔

卿起臨近甸嘗著外庸既辭制閫之行仍徇祠
庭之請念宣勞于北固欲華爾歸俾寓直于西
清但仍其舊卿毋多遜朕不汝忘

觀文殿學士何澹再辭免知建康府
仍奉祠祿不允不得再有陳請詔

以金陵而為陪都保釐素重護天塹而開制閫
委寄尤隆卿以時名人為予舊學蚤膺擢任屢
嘗入從以出藩尋遂登庸俾爾貳公而洪化洪
化之洪宋時方權臣之用事宜正論之多違久
避廟諱所改鎮三山時稱治最言歸數載朕不汝忘屬邊鄙
之甫寧擇邦侯而分遣惟大使之所莅非良弼
其誰宜朕方躬宵旰之勤卿當體股肱之寄聞
命引道知已屆于中途奉親為榮顧何妨于色

養母格成漢式邁爾驅

鎮江府都統制畢再遇乞歸田里不

允詔

卿以拳勇之資挾忠毅之氣撫士最為得衆遇敵幾于無前外則營壘之不諱內則里閭之其靖屬邊陲之甫定亦信使之交通諸將于焉少休來奏亦求引退乃眷維揚之重鎮寔為淮甸之要衝其為朕以少留豈于卿而獨後總周廬而入衛終當誰歸歆出車以勞還固應有日京西湖南北路宣撫使宇文紹節辭

免召赴行在不允詔

卿以勸誦之近臣往宣威于遐徼邊陲以靖邦好沆修爰念賢勞亟頒命召何控辭之未已又引疾以為言朕渴憇風儀急聞方畧俟交符于制閫即趣駕于歸途毋復重陳副予虛佇

何澹辭免兼江淮制置大使不允詔

國家間遣輔臣往營邊事粵從近代加以大名不惟欲憂顧之寬正以增使華之寵疇咨于衆喜得其人卿以舊弼之賢畀留都之寄英聲有素輿望已孚疆場甫寧先上宣威之組江淮併

護再隆分閫之稱其為朕行徒得君重當一
面正資經理之良坐使諸軍咸屬指呼之下往
祇成命毋致牢辭

新除煥章閣學士改知江陵府充京
西湖北路制置使李大性辭免乞奉
祠不允詔

謀帥以鎮上游素為重任分閫以護兩道尤賴
長才卿久列從臣屢更藩服比奏三吳之課繼
擁七閩之麾方塞北之休兵屬荆南之執守仁
聲夙著僉論攸推進學士之清班益隆眷倚總

邊庭之諸將咸莅指呼引道既前遄驅毋緩爰
事循墻之避佇聞洗印之期

新除同知樞密院事丘密辭免不允
詔

朕厲精更化當饋思賢樞庭既得于耆英宣室
寔深于法想謂何恙之不已故申命以益勤載
覽封章備陳疾狀使翦須而可療亦所當為倘
賜几而肯來自應增重宜進萬金之藥勿為三
命之辭

玫瑰先生文集卷第四十一上

四明樓

鑰大防

內制

明堂禮畢告謝天慶觀青詞

伏以祇祀合宮
爰卜季秋之吉
靈承上帝聿臻
熙事之成
丕擁神休
實繫道蔭
乃鳩窠士
俾演真科
用伸告謝之誠
益茂方末之祉
更祇洪造
普茫函生

滿散宋表

伏以肇祀總章
獲全盛典
藏儀真字
用荅靈休

荷雲敷之末臨肅瓊章而具列受釐云始介福
名疆

明堂禮畢告謝五嶽四瀆祝文

伏以祇奉 慈謨親行大饗多儀既備景貺孔
昭實惟山川之靈陰相馨香之薦尚歆誠悃滋
介紙禧

賜趙彥逾再上劄子辭免端明殿學

士并執政恩數不允詔

勅具悉卿以起部大常伯領袖從班主耳忘身
与陪因論金陵吾之北門固以謀帥為重文明

之峻職政府之異數所以寵卿之行今欲辭一
者而之鎮顧豈若留卿以自近乎朕慮之甚審
久而後發不應至此乃復反汗是以多言為也
賜新除安德崇信軍節度使伯圭辭
免不允詔

勅具悉朕肇禮重屋懼弗克堪贊予盛儀賴我
宗老首頌祭澤亦加於達尊者乃因旧鎮益以
漢東之太國備三公之典策兼兩鎮之節旄先
正以為異數非如卿者其孰能當之何用撝謙
以避斯寵

賜汝州防禦使知閣門事韓侂胄辭
免轉兩官不允詔

勅具悉卿傳家系世歷事三朝既忠力之備
宣豈褒崇之可後力請真祠之佚却而復來俾
登留務之華咸以為允亟其承命母用宰辭

明堂禮畢祭謝五嶽四海四瀆祝文

伏以肇祀合宮告成熙事惟二儀
拊宗之禮皆已備修凡五嶽河海之神悉均望祭維靈祠
之尚遠顧虞辰之敢稽

明堂禮奏謝 諸陵表文

伏以剛歷之初奉先為大適三歲當郊之際祇
薦總章惟列圣在天之靈俯垂陰佑維繫齋之
粗備懼誠悃之未享高厚顧歆神明末格既訖
成於熙事敢恭布於深衷建望 陵宮不勝感
涕

瑞慶節建康府茅山崇禧觀啓建祝

壽道場青詞

伏以良月方中誕辰斯屆惟華陽之洞府素集真
仙騰句曲之名山用祈景睨伏望三峯交會
年聖溥臨即崇禧之宮俯歆淨供授長生之錄

加惠躬躬上為今壽於重親下以均皇於四海

蒲散宋表

伏以騰嵩嶽萬歲之呼首臨誕日望金陵三茅之勝肅演貞科肆闡蘭湯既歆菲薦願垂道蔭彌介天祺嘉與民編同躋壽域

賜新除少傅周必大辭免不允詔

勅具悉卿三朝元老身佩安危退處东山直欲棄置人間事顧豈以爵秩為心哉朕初臨御注想不忘下詔乞言疏恩進律亦可以見朕意

矣單需之頒去遠弗屆安有違尊如鄉而可但已保傳一問不必固辭迎章甚力非朕所望

賜趙汝愚再辭免提奉編修因朝會

要不久詔

勅具悉卿進專固秉總領衆職之所不統固宜待於兼官也國家以史事為重故必擇其尤重者屬之上相疊畀三組既已再命而又欲辭其一何耶會要之書故實所萃諸儒載筆坐總宏摹兼人之才豈復憚此其祇成過以訖奏篇

安穆 安恭皇后改謚告 太廟祝

文

伏以仰惟 烈祖將祔太宮易別廟之日稱從
成孝之尊謚先期以告英鑒其臨

太行至尊壽皇全帝靈座祝文

伏以集百官於南郊首定稱天之謚奉 二后
於太室殿後祔廟之名將奉盛儀敢伸昭告
賜提奉淮南東路常平茶鹽公事陳

損之獎諭勅書

十萬
百

勅某云 朕嗣服之始早濼相仍宵旰思懷務

行實惠首形詔告所望部使者推廣上思初不
以重費為憚也鄉使誰堙蓋嘗久具水利茲又
能發其餘蓄上不仰給於大農下有以平八郡
之糴邊民被惠已廣而又將為後日之儲有臣
如此實寬顧憂載覽奏章良深嘉歎

賜伯圭再辭免兩鎮節度使不允批

荅

省表其之朕惠于宗公務隆於休貌相予肆祀
可後於恩褒位已極於人臣官無加於師尹兼
授齋壇之鉞陪多井賦之租是曰韋章未為異

數儀刊所繫以為泰乎俯偃之恭再斯可矣

口宣

有勅鄉位冠三公望高九族茲相合宮之祀用
頒雙節之華其服思榮母為謙避

賜吏部尚書鄭僑辭免兼實錄院修

撰不允詔

勅具悉 高宗中興臨御三紀一代之史簡冊
繁繁設官累年汗青今日朕既命大臣為之典
領思得鴻儒耆德為諸儒倡鄉自陪都還朝表
儀從班論譔之重非鄉誰屬矧惟旧物不待疇

咨趣上奏篇母勞謙避

瑞慶節滿散道場賜乳香口宣

三省

有勅應鍾協呂弥月在辰嘉尔臣上共祝金僊
之佑用敬芬馥以為室所之華

樞密院

有勅元英在候初度用臨有嘉宥府之共同致
封人之祝載分生篆用賁蘭場

殿前司

有勅良月斯臨誕辰方屆乃率周庠之衛共伸

嵩嶽之呼爰錫名薰用光法會

馬軍司

有勅律紀孟冬慶逢初度待驩心於騎士祝眉
壽於朕躬愛即日章式攸宝姓

步軍司

有勅祚纂紹熙節標瑞慶嘉尔熊羆之士首開
龍象之筵賁以芬薌助其齋潔

瑞慶節万壽現滿散道場青詞

伏以躬獲慶圖方席延供之運節臨良月初逢
震風之期爰即殊庭肅陳淨供惟虛皇之未格

俾誠意之潛通邸冀重闈同綏万壽

滿散朱表

伏以蘭揚展采為初度而有祈宝炬交輝睹靈
光之下烛奉盛以告已事而後願加佑於冲人
俾獲綏於繁祉

瑞慶節太一宮設醮青詞

伏以誕弥厥月或標瑞慶之名立愛自親先上
壽康之祝啓竹宮之遼宇演瓊笈之員科仰冀
高靈俯歆淨供俾遂承顏之樂益錦過曆之期
滿散朱表

伏以祥開初度肅羽士以陳儀壽祝重親望
龍樓而致禱員游來下景既其臻願与全人之
年坐膺天下之食

賜吏部侍郎彭龜年辭免兼侍讀詔
勅其悉朕開迹莫之罔瞻予逸之圖上慕唐虞
迫法祖宗正有賴於啓沃之躬卿以日季之
臣勸講多益升之進讀亦惟序遷朕方汲汲於
季卿欲濟之相迓固經惟之美事也然維有德
齒之尊不曰朝廷莫如節乎其母固辭徒稽朕
命

賜伯圭再辭免兩鎮節度使不允仍
斷來章批荅

省表具之朕尊寵帝師惟恐不至優崇宗老尚
竊慊然故曰大饗之成曲亦異恩之渥載加少
府之節復登上將之壇城南天下禘曰臨樂玉
漠東國為大併頌名藩式慰具瞻益後多祉既
等及汗之理美事循墻之恭

口宣

有勅卿德齒俱尊名位皆備欲侈三卿之寵遂
疏兼郡之恩何必固辭並祇成誨

右丞相趙汝愚加食邑實封制

門下朕祇膺丕緒肇祀合宮賴天地之靈優百
神而顧享嚴 祖宗之配綿萬世以承休惟時
大臣贊我縟禮肆頒祭澤敷告朝倫具官某寬
博而崇深裕和而肅括季造全矣之蘊才兼文
武之優有徑濟四海之志向行之以忠有酬酢
萬變之智而決之以果擢由樞筦進秉國鈞是
為社稷之元龜非止衣冠之盛事處心孚競休
休多容物之仁守道不何蹇 盡匪躬之節予所
毗倚固其庶幾頃卜仲辛恭 修大饗上稽皇

祐之故典近遵慈極之宏摹致精三日之齋虔
奉九筵之制惟辟公之顯相厥有矣勞顧熙事
之備成敢云專鄉增多采邑併衍員畬以隆嚴
石之瞻以壯維城之勢於戲載韶蟬而展采罔
宰路之所同被袞繡以侍祠寔宗盟之未有惟
親矣之並用於邦因以增光其服漢恩益圖治
績可

賜旨口宣

有勅卿為時上相贊我盛儀是宜与邑之多用
見疇庸之渥其祇成命毋事謝辭

季秋謹雨震電罪已責躬 御筆

朕仰承付託嗣守邦圖夙夜靡怠惕有祇懷迺
季秋之月陰氣為沴雨暘不止繼之震電變不
虛致朕實懼為罪已責躬其曷敢後可令季士
院疾速降詔布告中外

詔 十月八日

勅門下朕臨御以來三閏月矣迺者澤水為災
歲旬尤甚悉意賑接未知攸濟而又陰氣為沴
天作淫雨繼之震電信宿愆未已也時惟季秋
實已冬孟茲豈其時耶變不虛致朕甚懼為豈

朕之德薄不足以承祖宗之休烈抑眇躬有過
朝政或闕而致然歟雲漢之詩過裁而懼終篇
惟及靡神不奉靡愛斯牲等語蓋言如此而天
降之災罪必在我側身儻行之誠見於言外此
朕之所當勉也朕款應天以實而方執 壽皇
之喪避殿撤樂皆乞以自見惟是罪已責躬其
曷敢後布告中外使知朕恐懼儆省之意

賜王蘭再辭免知潭州不允不得再

有陳請詔

勅其意惟有周之盛時以分陝為重任故煩曰

弼往鎮邊陲升祕殿之隆名易昭潭之巨屏輿
言允協憂顧滋寬胡為再辭至勤三命粵漢詔
流行之既久諒查人徯望之已深倚聞叱馭之
行毋執循墻之避

賜新除四川安撫制置使趙彥逾辭

免不允詔

勅具悉蜀道險遠人所憚入一之謂甚其可再
乎然朝廷為官擇人不免於擁轂以遺忠臣忘
身殉國豈難於叱馭而行昔趙抃以匹馬入蜀
為政簡易及其再命神宗諭之曰近歲多自

政府後往者卿能為我行乎抃曰陛下有言即
法也顧豈有例哉今朕知卿清節著於蜀遂用
熙寧故事卿能體抃之忠其得辭行乎

士歆加食邑實封制

門下朕嚴九筵之禮是曰肇禮逆三神之重若
蒙昭答餒惠所暨臣鄰斯均矧惟屬籍之尊可
後恩光之渥集廷紳而誕告示詔綵之匪私其
官其德性寬洪夙猷端粹重珪疊俎生長富貴
之中盪節驛

仰春秋之益高實長周家之宗盟是為列氏之

祭酒茲崇宗祀与贊上儀冠班列於三孤等儀
刑於九族乃加并賦仍後去腹以表耆莫以隆
孝治於戲祭有十倫之美莫如同姓之先備者
百順之名益介避齡之永顧如壽後奚假訓辭
可

賜告口宣

有勅卿位冠孤卿望高宗老既奉合宮之祀
加采邑之封雖曰勳章是為新渥

郭師禹加食邑實封制

門下朕祇事總章荷神祇之未格廣施惠術普

中外以惟均顧予元舅之親嘗与屏工之相
加異數明告周行具官某迪德忱恂筋躬謙請
祖后實為於同氣 壽望允為於濼思淑旂綏
章奉授齋壇之鉞象車希冕迫升棘位之班疏
三吳公社之封康万壽祠庭之祿能屏膏梁也
習自忘圭組之崇比卜季秋親祠重屋茂對三
神之社宜先四惟之矣用衍爰回載加員食於
戲競業以下上帝朕敢怀專鄉之私洞
屬而存小心尔尚人方未之寃益昭吉履永
保儕名可

賜告口宣

有勅礼畢九筵恩均百辟賜予伯舅之賚均茲
宣室之厘与邑既多頒綸可後

賀金国生辰使副梁撫戴勳到闕傳

宣接問并賜銀合茶藥口宣

有勅卿等遠聘殊鄰旋歸迓境合舟車之勞勤
頒茗劑之珍芳仍命行人往將予意

金国吊祭使人赴闕口宣

盱眙軍傳宣接問賜銜筵

有勅卿肅持使指未慰国哀眷八境之云初豈

肆筵之可後往宣予意以勞尔勤

鎮江府賜銀合茶藥

有勅卿等肅擁使華遠將慰礼經鉄雍山川之
險錫宝奩茗劑之珍宜休眷懷用安旅次

鎮江府賜御筵

有勅卿等未趨素幄行次丹陽維誤銜恤之悲
不廢示慈之宴是時厚意式宥行人

平江府賜御筵

有勅卿等遠從燕駟近及吳門誤嘉唁問之勤
宜備賓筵之渥其承異眷益進未程

賜新知鄂州吳瑤辭免不允詔

勅具悉卿奮自戚閑被服儒雅維齋壇授鉞棘
位通班人終以用來盡其才為言矧襄漢上游
嘗騰善景武昌重地宜分顧慶何必固辭亟其
祇命

周必大加食邑實封制

門下朕嗣守邦圖肇修宗祀又天母地祭既重
於合祛尊祖敬宗礼尤嚴於並俯予一人
越紳以行事尔多士奉璋而侍祠眷日弼以共
思顧慶條之可後誕敷漢芳敷告斯廷具官某

簡重而用深直方而膚敏典誥上規於姚妙詞
章遠軋於漢周弼亮兩朝未寃經綸之蘊鎮
安四海有懷康濟之功偃藩南國之雄均逸東
山之勝比以霽恩之渥升之亞傳之崇注想不
忘之言方切屬伸大報斐啓合宮載謀載惟
全父嘗頌於先甲我將我享季秋乃卜於仲辛
熙事既成藩厘未介申衍多田之賦仍加具食
之封於戲明堂王者之堂方荷神休之答二老
天下之老宜先祭澤之施尚迪遠猷永鑒殊寵
可

賜告口宣

有勅卿嘗任冢司均休真館屬總章之竣事賦
多邑以示恩其即欽承以祇眷渥

賜趙彥逾再辭免新除端明殿學士

中大夫四川安撫制置使兼知成

都府不允不得再有陳請詔

勅具悉蜀道天下之絕險也然以為難則難於
上青天以為易則易於履平地是在人尔卿嘗
總軍餉調度五十餘州公廉明恕蜀人誦之茲
庸命以制圍之寄蜀父老聞卿之來必有不待

教而享者矧視儀政地位望愈隆尤足以示朕
不忘遠之意謀帥之重益幸以易卿者矣

賜趙汝愚辭免大札加食邑實封不

允詔

勅具悉朕祇事總章懼弗克堪卿以端揆實專
使領天地並况神明顧歆熙事備成顯相之力
也賦以多邑具有故實既免告廷之禮何事循
墻之避

金国吊祭使人赴闕口宣

赤岸賜酒果

有勅卿等遠將慰問來屆近郊先之旨酒之頒
增以嘉穀之錫少安次舍用息勤勞

賜御筵

有勅卿等握節載馳越疆耒帛將展因喪之禮
宜先郊勞之儀其體眷私少休區薄

賜被褥鈔銀

有勅卿等遠致真儀久勞客路爰厚寢衣之賜
仍分豐器之珍跋履之餘按存加謹

密賜大銀器

有勅使華既接吊禮斯勤宴已備於饗殮器仍

加於銀鏤是為異渥少慰矣勞

賜生餼

有勅卿等少安賓館既畢吊儀按聘禮以及殯
命廩人而致餼諒均徒御咸體眷懷

賜內中酒果

有勅卿等禮謹吊喪退將即次頒酒穀於內府
示恩寵於末賓意則有餘物惟俱禩

朝見訖歸駟賜御筵

有勅卿等慰此因哀見于喪次爰暫休於燕館
用初秩於賓筵首示殊私嗣加好賜

執駟特賜衣服金帶銀籠衣著
有勅卿等吊喪自遠率礼多違器分山溢之珍
衣有身章之寵雖云多品未及至懷

賜內中酒果

有勅卿等肅物使節未唁喪帟嘉有容之多儀
出尚方之珍占甘芳俱厚光眷祿加

在駟特賜射弓酒果

有勅卿等既肅哀儀唯修賓射雖輟主皮之藝
仍加設醴之勤殷核俱頒情文尤厚

時賜射弓御筵

有勅卿等交鄰有道序賓以美屬當變礼之時
仍飭初筵之賜宰揚何取抗俎惟優

特賜射弓例物

有勅卿等慰予困恤厚乃賓儀雖現射之未遑
顧匪頒之可後悉從常礼以表眷懷

朝辭訖歸駟賜酒果

有勅卿等吊哀事畢贈賄礼成將過車馬之歸
載厚壺篚之錫其承嘉覲後啓長途

賜御筵

有勅卿等既趨素幄遂別彤墀礼不替於權輿

恩更加於觴豆尚安旅次徐屆歸程

回吊祭國書

望祖上僊嘗馳赴同泮人嗣位方服通喪荷信使之遠來辱吊儀之加厚益堅盟好弥切感悰哀疚既深敷陳難究

回賀登寶位國書

祇奉慈謨勉承丕祚比飭行人之告茲勤信使之來儀物有加書函尤備既荷禮文之厚益欣盟好之堅爰謹報章用陳謝悃

報謝登寶位國書

祖武是繩孝思方切勤使華之遠暨知盟好之弥隆品物具陳情文俱稱比已騰於振積爰再飭於行人仍致彝儀用將謝悃

賀慶元元年正旦國書

三陽攸慶方夙戒於行人万里交攻後遠勤於信使惠以函書之厚加之篚幣之豐爰飭報章備宣謝臆惟益堅於世好冀均介於春祺

奉上孝宗皇帝謚冊室成穆

成恭皇后段謚冊室奏告天地社稷十神太一祝文

伏以 壽皇即遠方宜於尊稱 祖后俱從省
更於日謚將 爰空冊敢告神祇

三慶現報恩光孝現青詞

伏以仰惟 烈祖將祔太宮集百官于園丘既
奉稱天之禮近 二后於別廟併陳更謚之儀
祇率旧章恭修淨供敢伸昭告仰冀洪休

賜新除刑部侍郎梁揔辭免不允詔

勅其悉鄉少習憲章歷官棘寺為郎為卿皆以
此選止以明 諫吏事心計有餘遂持使節適董
軍餉擢式民曹供號稱職若今秋官虛負捨鄉

尚誰屬耶明允篤誠若自道然万里使還徑俾
為員僉曰汝諧何辭之有

賜其塘再辭免不允不得再有陳請

詔

勅其悉朕立之享方惟才是用亦不必日古矣
而左戚也尔嘗主計總軍餉去即襄陽皆有
治狀可紀而強仕之餘使之奉祠燕處可乎鄂
諸兵民雜居考私堆治正倚才刃勿復謙辭

賜王蘭辭免單恩轉一官不允詔

勅其悉朕嗣位之初稟需四方小大之臣罔不

均被卿以元樞旧德出鎮雄藩序進一階亦惟
曩典忽披迓贖殊弗眷懷其服恩光母當朕命

師夔加食邑家封制

門下朕寅紹丕圖虔修大饗親惟伯父既有助
於多儀神介蕃厘詎敢云於專卿宜敷命律用
告所廷具官某後行粹和稟資瑞清生長神昭
之胄流詩禮之傳出分顧愛見民庸之甚茂
八趨班綴奉朝謁以尤恭建六書縣以承家視三
孤兩命秩屬講肇祠之禮適當越沛之行攝事
太宮降登有度陪祠重屋顯相去違庸推祭澤

之優可後宗盟之懿爰如并賦併衍舍祖茲謂
息褒式昭名數於戲卷犧牲案盛而告幸嚴布
政之宮拓山川土田之村益示褒親之義其祇
異渥以對夙娛可

賜告口宣 吳壞吳塔同

有勅禮成重屋賚乃万方且首及於懿親用申
加於多邑載攸明命其服殊恩

吳壞加食邑家封制

門下朕穆卜季秋躬修大祀灵祇授職幸熙予
之備成多士在廷賴懿親之顯相宜攸惠術敷

告羣工具官某謹畏自將純和無玷聯四姓小
侯之貴承三朝外戚之恩入待中宸屬囊鞬
而甚肅進班上闕飭冠佩以充戾頃建齋壇退
安琳宇旋視孤卿之秩併用公社之封建歲禮
於九筵實均厚於一國乃增采色仍衍圭腴以
彰寵數之優此衣肅雖之取於戲荒上儀於陽
館豈惟黍稷之馨錫蕃祉於后家可後朕膳之
賜尚饒吉履以服彝章可

吳琚加食邑實封制

門下合宮肇祀實祇奉於慈謨宣室受厘麥大

頌於霽澤惟時懿戚夙著吳稱庸奉徽章式享
渙号具官某美由世濟才應時須登簪筆持橐
之聯惟知避寇更握節擁麾之選不專為恩比
崇建於齋旋旋寢加於孤棘建茲大報贊我上
儀禮既備於八階非惟優於四姓仍增多賦仍
衍其腴於戲文德以講明堂幸神祇之顧饗賀
慶以親異姓宜福履之均霽維曰邦彛尚承惠
渥可

蕭鷓巴加食邑實封制

門下真圭瓚以薦誠既虔修於宗祀執豆迓而

在列宜咸被於靈族眷我虜臣董茲羽衛厥有
渙恩之錫式彰顯相之勞其官某智略雄謀性
質沉鷲望雲就日夙肩向內之誠速施設旄馴
致總戎之拜秦貞祠而均伏視左棘以疏榮乃
因霽澤之行增杲晏田之賦申加員食用侈神
休於戲承異眷於三朝蓋屢覲尔丈之盛敷
大賚於四海顧可享完數之優益綏令圖以保
終吉可

郭果加食邑實封制

門下朕頃用盛秋虔修宗祀奉犧牲以薦備陳

重屋之儀賴爪牙之良肅領千庠之衛既云竣
事可後均釐我有明綸告于列位其官某生資
沉毅世濟忠勤氣稟山西期遠追於起前書傳
圯上自有合於孫吳久專將閫之雄入侍殿巖
之邃屬祇考饗務罄齋誠奉璋惟多士之云執
戟有元戎之重肆疇采邑仍啓侯封以介靈休
以彰異優於戲茅簷蒿柱朕方躬大禮之嚴玉
節調戈尔尚休中權之寄益思忠振次答殊知
可

賜告口宣 蕭鷓已同

有勅禮爰重屋澤及羣工錫多邑於歲除啓新
封於侯甸蕭改春我勅
臣時茲多賦其祇明命益勵忠猷

太上皇帝奉命万寿現設醮青詞

伏以離德繼明方極慈闈之養日宮告曆載逢
辰次之周啓純福之殊庭演虛皇之妙旨寬旌
耒下宝炬交輝願申箕翼之期長謹晨昏之奉

滿散朱表

伏以慈宸燕處高蹈於希夷藥館陳儀用振於
壽嘏純誠上達靈監其享冀福祿之末崇教庭
闡之同慶

侍講陳傳良朱熹宣赴經筵供職曲

謝宣答詞

有制朕務明政體首闡經惟嘉曰季之未歸喜
耆儒之同集其思忠告以副時咨

初講畢案前致詞降殿曲謝

陳傳良

有制首頒召命渴想忠猷益耳聞講貫之詳恍若
從游之日克諧朕志益啓乃心

朱熹

有制久聞高誼傾仰嘉猷耒侍迹英之游講明

大孝之道庶幾于治深慰予怀

孝宗皇帝謚号下日改換銘旌奏告

祝文

伏以 烈祖在天南郊定謚既遵節惠之典載
飭神明之旌仰惟威靈俯鑒誠恪

孝宗皇帝攢宮神園除去鋪屋窠木
等奏告 昭慈聖獻皇后 永祐

永思陵祝文

伏以 皇祖王德期方臨於七月稽山庀役抱
安近於 諸陵警撤徽序稍開宰木惧有驚於

神御敢先叩於威靈仰冀浩慈俯加阴佑

賜周必大再辭免少傳不允不得再

有陳請詔

勅具悉服勉紹丕圖方修初政首推霈澤溥及
羣工惟予元老之矣宜陟孤鄉之秩偃息而藩
魏室何必在廷宣亮而命周官是為進律載披
耒耜殊晷眷懷早於公尊於鄉亦惟均耳一而
俯再而偃何以多為茲繫具瞻毋庸固避

賜梁摠辭免奉使回程特轉一官不

允詔

勅具悉卿輟自從班遠使鄰國服勞已甚成禮
而進序進大階厥有日典往祇渙命何事謙辭
賜知明州何謨辭免曾任藩邸講官

轉一官不允詔

勅具悉卿頃以儒英授經於朕速予嗣服眷注
不忘求之迫比當進兩秩日僚亟避俯徇其請
在卿又何辭焉宜遂欵承母至于再

念因吊祭人使同程只宣

賜龍鳳茶并金鍍銀合

有勅遠修頌問茲遂旋歸茶分北苑之珍器備

南金之飾是為異渥用慰遐祉

赤岸賜酒果

有勅卿等遠旆之初出郊于迓加六壺六造之
饋教三辭三揖之勤式慰尔歸用將予意

賜御筵

有勅卿等成禮云歸路途未遠意方勤於郊送
恩宜視於賓初既厚眷私益堅信睦

平江府賜御筵

有勅卿等吊儀既備使事言旋行已次於殊臺
恩仍頒於鎬燕禮以加厚容路其宜

沿路賜使副冬至節緡
有勅使且北歸日方南至載念脩途之役俾加
厚弊之將其服必榮尚寬旅思

讀祭文官

有勅卿遠陪膚使歸過新陽麥頌東帛之溫以
助重喪之燠益昭眷渥庸慰之共

三節人從

有勅長至維時遠歸在道言念禦宇之具特加
實篚之珍賚賜有差恩私之異

鎮江府賜御筵

有勅卿等未修慰禮既畢使儀望北蒞以還轅
至南徐而憩節庸加燕衍其悉眷私

盱眙軍賜御筵

有勅卿等未成使禮歸次邊疆更加宴豆之勤
不替權輿之旧其承眷禮遂戒征途



